

重編醫經小學二

重編醫經小學卷之二目錄

本草

鑒學指南

用藥總括

藥本五味

藥性指掌

三百六十五首
平七十三首

熱五十首
冷七十三首

溫九十六首
寒七十三首

引經藥報使

去各經風藥

散各經寒氣血藥

瀉各經火氣血藥

除各經濕藥

潤各經燥藥

主骨分勞瘵發熱氣血藥

三焦瀉熱藥

三焦散寒藥

陳久藥

精新藥

七情

十八反

藥性相妨

服藥食忌

妊娠服禁

忌火

忌鉄

重編醫經小學卷之二

本草

鑒學指南

不讀本草焉知藥性專泥藥性決不識
病假饒識病未必得法識病得法工中
之甲能窮素問病受何氣便知用藥當
擇何味

用藥總括

天有陰陽彰六氣

溫熱涼寒統於四

地有陰陽化五行

生長收藏五味成

天食人則以五氣

地食人則以五味

五氣入鼻藏肺心

五味入口藏腸胃

輕清成象親乎上

重濁成形本乎地

辛甘發散氣為陽

酸苦湧泄陰為味

清之清者發腠理

陽中之陽厚之氣

清之濁者實四肢

陽中之陰薄氣使

濁之濁者走五藏

陰中之陰乃厚味

濁之清者飯六腑

陰中之陽薄味爾

酸收斂而束緩散

苦直行而泄燥濕

甘能緩急又有和

浮沉上下行而發

有補有泻兼內外

辛橫行而能散結

鹹止軟堅能下行

淡能利竅而滲泄

一藥之內具理性

一物之內兼氣味

氣味生成造化存

主對治療皆出是

陰之所生本五味

陰之五官傷五味

苦平冷平藥並升

甘辛藥平下降決

苦寒濕熱甘寒火

苦甘寒茶瀉血熱

六淫外感如何治

風以辛涼熱鹹寒

濕苦熱苦寒甘熱

苦溫燥勝佐辛酸

內傷苦欲分虛實

升降浮沉法一般

身腰下病稍能降

身半上病根宜養

橫行手膊惟辛散

分經報使又何難

君臣和合無反畏

七方十劑有機開

子母兄弟陰陽配

湯散分兩及膏丸

藥味專精大得能

真偽新陳仔細看

產有地兮收有時

遠之性味乃不完

炮炙製度世逞巧

熟外生降古方刊

及時煎服知禁避

用當一七是仙丹

藥本五味

酸為木化氣本溫

能收能收味肝經

若因火化氣終熱

能燥能堅心藏丁

甘始土生氣化濕

能開緩慘縱脾行

辛自金生氣帶燥

能散潤通肺竅

鹹從水化氣生寒

下走軟堅足腎導

淡之其為五行本

運用須知造化要

藥性指掌

三百六十五首

熟
五十首

硫黃甘酸能壯陽

治疥堅筋去蠱瘡

除冷風頑痺痲痺

老人風秘是仙方

硃砂鹹苦辛毒大

專去諸瘡肉惡敗

破血下痰伐久積

死胎逢之即爛壞

砒霜大毒味酸苦

惡瘡腐肉用少許

治癰除勦効若神

瞞內風痰可作吐

川烏破積除冷結

消胸痰滯三虫殺

除寒濕痺麻諸風

烏喙消癰醫歷節

天雄壯陽散寒濕

上療頭面風邪急

側子專治偏痺風

疹痿癰腫効可立

附子辛甘陽無陰

其性走而浮不沉

補三陽之厥逆證

除六府之寒病深

溫胸膈味鹹無毒

療癆尸疰攻心腹

精冷面黑膝腰疼

補中破痺并血宿

乾姜助陽發寒邪

利肺欬逆身痺麻

通心開胃入血氣

炮者守中補陰佳

良姜苦辣調心氣

消食除風能助胃

脚氣冷痺心腹疼

酒毒霍亂嘔瀉痢

官桂純陽治中寒

補中止痛吸呼難

溫筋通脉利關節

桂心行藥補陰慳

肉桂辛甘補腎藏

養精止煩又止汗

利肝肺氣遏心疼

溫中破癖除霍亂

桂枝辛甘陽而溥

微解風寒汗自收

柳桂善補上焦氣

薄桂行滯必須求

吳茱萸辛苦除濕

治咽嗌塞寒氣噎

脾胃停冷冷閉胸

心腹作痛而不歌

山茱萸酸固元精

補腎強陰療耳鳴

通邪去風除疝瘕

逐痺益肝調月經

蜀椒辛浮散風寒

齒目膚頑腸澼安

欬嘔瘡疽並癰結

壯陽縮便達下關

胡椒辛辣除冷風

消食化痰利臍胸

霍亂冷痢腹心痛

溫胃腎膀澄茄同

華撥熱辛除胃冷

下氣消痰破積蠱

嘔酸瀉痢腹心疼

治腎寒疝腰脚清

丁香治氣快脾胃

止嘔逆亂泄肺穢

入腎杜陽煖膝腰

風腫牙疳及冷痺

檀香逐鬼升胃氣

霍亂腹心痛立去

又行腎邪攻腹心

消風腫毒并惡症

厚朴調中除痰濕

最散心腹脹痛急

霍亂積痢并頭疼

治痺消症通經翕

巴豆大毒味辛苦

藏府沉寒堅積聚

氣血痰食水癖消

通經排膿除蟲

陽起石味鹹無毒

治男陰痿最有功

主女癥瘕腹內痛

止崩漏下煖子宮

石灰味辛風化良

療疥生肌不入湯

善殺痔蟲點黑子

產婦泡水洗脫肛

伏龍肝辛治心煩

消癰散腫醋塗痕

止諸血下歔逆氣

時疫胎產水調吞

益智仁辛療胃寒

和中止嘔噦涎殘

固精止溺及餘滴

養神補氣三焦安

補腎脂辛大溫燥

腎傷腰痛陰濕瘡

精冷髓敗便溺頻

風虛頑痺尤可靠

蛇床苦辛甘去風

下氣強陰腰疼功

麻痺疥癬陰濕痒

通開逐痰煖子宮

當歸甘辛頭止血

破血用尾和用身

隨所引用上頭角

中理胸腹下榮筋

龍腦消風利氣結

清頭鎮心拔目熱

香透腎頂攻耳聾

下疳喉痺能散血

沉香順氣能煖中

吐瀉轉筋痛腹胸

消風水腫治冷痺

壯陽散滯一身通

乳香止痛血氣平

除邪收洩辟催生

消腫止瀉定霍亂

療諸風瘡補腎精

木香苦辛健脾胃

氣積霍亂并瘧痢

調和諸氣散肺痰

消癰治疝行肝氣

白芷菴味辛大溫

上焦氣冷補還元